

Շենկանի

Մակերես՝ 7.93կմ²

Բնակչություն՝ 192

Գյուղ Արագածի տարածաշրջանում, Ապարան-Սպիտակ ավտոմայրուղու ձախ կողմում:

Մարզկենտրոնից գտնվում է 44 կմ հեռավորության վրա: Նախկինում ունեցել է Կռոյի Գեղ, Զոռքուլաղ անվանումները: Շենկան է վերանվանվել 1978 թ-ին:

Գյուղը տեղադրված է Արագածի լեռնագագաթի հյուսիս-արեւելյան ստորոտում: Գտնվում է ծովի մակարդակից 2135մ բարձրության վրա: Կլիման բարեխառն լեռնային է: Ձմեռները տեւական են, ցուրտ, հաստատուն ձնածածկույթով: Ամառները տաք են, համեմատաբար խոնավ: Յուլիսյան միջին ջերմաստիճանը տատանվում է 16-18-ի սահմաններում, հունվարյանը՝ -6,-8-ի սահմաններում:

Մթնոլորտային տարեկան տեղումների քանակը 450-600 մմ: Բնական լանդշաֆտները սեւահողային տափաստաններ են:

1873 թ-ին գյուղն ունեցել է 1936, 1897 թ-ին՝ 289, 1939 թ-ին՝ 351, 1959 թ-ին՝ 141, 1979 թ-ին՝ 210, 1989 թ-ին՝ 207 եզդի բնակիչ, որոնց մի մասը տեղափոխվել է Կարսի մարզից: Համայնքի բնակչությունը կազմում է 280 մարդ, որից 52% տղամարդիկ են, իսկ կանայք՝ 48%: Մինչաշխատունակ տարիքի բնակչությունը կազմում է 37%, աշխատունակ տարիքի ներկայացուցիչները՝ 53%, հետաշխատունակները՝ 10%: Գյուղն ունի 33 տնտեսություն:

Ունի դպրոց, գրադարան, բուժկետ, կապի հանգույց:

Համայնքի տնտեսության մասնագիտացման ուղղությունը գյուղատնտեսությունն է: Գյուղատնտեսական հողահանդակների հիմնական մասն օգտագործվում է որպես արոտավայրեր, վարելահողեր, խոտհարքեր: Զբաղվում են հացահատիկային, կերային կուլտուրաների մշակությամբ: Պահուստային հողերը զբաղեցնում են համայնքի մակերեսի մոտ 78%, որոնց մեջ մեծ է արոտավայրերի տեսակարար կշիռը՝ 250հա, ապա վարելահողերը՝ 27հա, խոտհարքերը՝ 4հա: Բնակիչների հիմնական զբաղմունքը մանր եւ խոշոր եղջերավոր անասնաբուծությունն է: Գյուղատնտեսական համախառն բերքի մեծ մասը բաժին է ընկնում անասնապահությանը: Զբաղվում են նաեւ խոշոր եղջերավոր անասնաբուծությամբ: Արդյունաբերություն չունի:

Համայնքի հիմնախնդիրների մեջ կարեւորվում է խմելու եւ ոռոգման ջրի ջրագծերի, գյուղամիջյան ճանապարհների վերանորոգումը: